

Dat ferhóól fan



mit skilderäjen fan

L. Leslie Brooke



Frederick Warne & Co.

up Oostfräisk ooverdróógen fan

Oen Diirk Feldman

4. uplöóeeg

©2025 Onno Dirk Feldmann

uutgeever:

Onno Dirk Feldmann
Rajenstr. 68
26810 Westoverledingen


drük:

epubli - 'n denst fan d' neopubli GmbH, Berlin


Biblioogróófsk inf'rmoósjoon fan d' Düütsk


Nóósjoonóólbibtaik:

Däi Düütsk Nóósjoonóólbibtaik ferbaukt disser
publikóósjoon; nibber biblioogróófsk dóóten bünt up 't
internet oover <http://dnb.d-nb.de> t' ferkriigen.



D'r was insett 'n oel moet mit drei lütje swîin. Säi haar
näit nauğ höör t' foyden, düs stürde säi s' uut, höör lük t'
finnen.








Dat êerst, dat wegzung, kwam 'n keerl mit 'n skoof sträj t' möyet un see teegen hum: "Gif mii, asjeb'läivt Miinheer, dat sträj t' huus baauen"; wat däi keerl dee un dat lütje swiin baaude d'r 'n huus fan.

Doo kwam d'r 'n wulf biilangs, klopde teegen d' dööer an un see: "Lütje swiin, lütje swiin, lóót mii in."

Dat swiin anterde teegen hum: "Nee, nee, näit bii däi daăg dat swiintjes fläigent!"

"Dan sal ik puisten un pruisten un diin huus umpuisten!", see däi wulf. Düs puist'de un pruist'de häi, puist'de dat huus um un at dat lütje swiin up.





Dat twäied swiin kwam 'n keerl mit fallen t' möyet un see: "Gif mii, asjeb'läivt Miinheer, dat fael t' huus baauen"; wat däi keerl dee un dat lütje swiin baaude d'r 'n huus fan.

Doo kwam däi wulf d'r biilangs un see: "Lütje swiin, lütje swiin, lóót mii in."

"Nee, nee, näit bii däi dağ dat swiintjes fläigent!"

"Dan sal ik puusten un pruusten un diin huus umpuusten!"

Un düs puust'de un pruust'de häi, pruust'de un puust'de, puust'de t' läest dat huus um un at dat twäied lütje swiin up.





Dat dâard lütje swiin kwam 'n keerl mit 'n lóoden
bakstäänen t' möyet un see teegen hum: ""Gif mii,
asjeb'läivt Miinheer, disser bakstäänen t' huus baauen";
düs gaf däi keerl hum däi bakstäänen un dat lütje swiin
baaude d'r 'n huus fan.

Doo däi wulf kwam, dee häi 't net as bii däi anner lütje
swiin un see: "Lütje swiin, lütje swiin, lóót mii in."

"Nee, nee, näit bii däi dağ dat swiintjes fläigent!"

"Dan sal ik puusten un pruusten un diin huus
umpuusten!"





No, häi puust'de un pruust'de, pruust'de un puust'de,
man häi kun dat huus näit dóól kriigen. Doo häi d'r
achter kwam dat häi d'r näit kumpóóbel tau was, dat
huus mit puusten un pruusten um t' puusten, see häi:
"Lütje swiin, ik wäit wor d'r 'n mooj feld mit röyven
staajt."

"Wor?", see dat lütje swiin.

"Oo, bii Smidoom siin plóóets. Un doo duu mörn klor
büst, raup 'k dii, wii góónt d'r mitnanner up dóól un
hóólent us wat anbeet."

"Best!", see dat lütje swiin, "Ik sal dan klor weesen. Woo
lóót dan?"


"Oo, man teegen ses über."





Doo stun dat lütje swiin teegen fiiv up, kreeg däi röyen
un was fööer säes weer in huus.

As däi wulf kwam see häi: "Lütje swiin, büst d' klor?"

"Klor!", see dat lütje swiin, "Ik heb d'r al west, bün al
weeruem un haar d'r 'n fâajn pot fan as früüstük."







Däi wulf was dül, man doch, dat häi dat lütje swiintje
doch ennerwoo ankoomen mus un see: "Lütje swiin, ik
wäit wor d'r 'n môoj appelboom is."

"Wor?", see dat lütje swiin.


"Achter in Maikemöy höör tûun in", anterde däi wulf.
"Doo duu mii näit bedrûgst, kum ik teegen fiif über
mörnfrau, wii söölent d'r mitnanner up dóól góón un
wat appels hóolen."

Doo wook dat lütje swiin teegen fär über anner mörn,
stun up, naajde hum nóó d' appels un hoopde fööer d'
wulf weer weeruem t' weesen, man häi mus dit móól
wiiderloopen un mus 'n boom umhooğ klaautern, soo
dat häi däi wulf, net as häi dóólklaauterde, sag, un as jii
dat seeker al ferwachtent, sük ferfeerde.



As däi wulf ankwan, see häi: "Lütje swiin, wat! Büst duu
fööer mii hir? Bünt d'r môoj appels?"

"Jóó häilundal!", see dat lütje swiin, "Ik sal dii wat
dóólgoojen." Un doo goojde häi soo wiid, dat häi
dóólspringen un nóó huus tau rönnen kun, as däi wulf
weg was 'n appel up t' kriigen.






Up anner dağ kwam däi wulf weer un see teegen dat
lütje swiin: "Lütje swiin, d'r is fannóómiddağ 'n mâarkt in
't lauğ: Sast duu d'r up taugóón?"


"Oo jóó!", see dat swiin, "Ik sal taugóón. Teegen
wewwer tiid sast duu dan klor weesen?"

"Teegen dräj", see däi wulf.

Düs gung dat lütje swiin fööer däi tiid, as went, kwam bii
't mâarkt, köf 'n kâarn un was up dat pad weeruem as
häi däi wulf anstappen saăg.




Doo wus h' näit wat h' daun sul. Düs kroop häi in däi
kâarn, sük t' ferstoppen un doo häi dat dee fung däi
kâarn an t' trüllen. Häi trülde mit dat swiintje binnen däi
hüelt dóól, wat däi wulf soo ferfeerde, dat häi sünner
nóó dat mâarkt t' góón nóó huus tau leep.






Häi gung nóó dat lütje swiin siin huus un fertelde hum
woo fööl nood häi fan dat grôot trüllend ding hat haar,
wat däi hüelt dóólkoomen was.

Doo see dat lütje swiin: "Haha! Heb ik dii in 't mâal jaegt?
Ik heb bii dat mâarkt west, 'n kâarn köft un as ik dii saäg,
bün ik binnen d' kâarn góón un trüllen dóól däi hüelt."



Doo was däi wulf wies häil dül, reeselwääerde sük d'r up
dat häi dat lütje swiintje läifst straks freeten wul un dat
häi düs däi skösstäin dóól mus.



As dat lütje swiin saģ, wat h' wul, hung häi 'n pot ful
wóóter up, mook 'n lunnernd fuer un jüüst as däi wulf
dóólkwam, nam häi dat deksel fan d' pot of, dat däi wulf
d'r in ful.

Un doo dee häi dat deksel weer up d' pot, dat häi däi
wulf kooken dee, at hum as óvendeeten un haar
achternóó 'n lükkelk leeved.





DAT ÄEN